



Die Abverheite

Sujet: Isch das e Mais!
(e-n-Art Jubiläums-Frogeboge)

-
- 1 Me heert, es haig vyl Sunneflägge,
Au dät dr Mars so d'Hernli stregge ...
Wänn mir dä Mais drei Dag vergässe
Und anäh, d'Hiehner haige-n-en gfrässe?

 - 2 Hänn Si sich scho-n-e Toga kauft?
Und Ihre Bueb MUNAZI dauft?
Maine Si, Ihre Stammbaum haig
Wurzle-n-us reemischem (Mogge-) Daig?

 - 2a Sait au dr halbstargg Bachgass-Megg
Statt «Hösch» bald «SALVE» zue sym Schnäg?
Bikunnt 's glai Nashorn 's Stimmrächt au,
Wenn's zwanzig wird? 's isch jo kai Frau!

 - 2b Hett ächt dr Brätzel-Begg sy Drägg
Zwaidausig Johr nit butzt ewägg?
Und finde Si au, dass no ebbis Alts
Erhalte sott blybe, usser dr Pfalz?

 - 2c Wie wär's drum, me liesst en, und miechti drus
Do z'Basel au e Reemer-Huus?
Es fillte d'Begge-Sultanyne,
Wo Bainli hänn, grad drei Vytryne.

 - 3 Nimmt 's Männerkoche-n-iberhand?
Wär kocht e Mugg zum Elefant?
Welem vo de Journaleschte
Grootet das am allerbeschte?

 - 3a Wär hett dä biologisch Rand
Und stoht dynamisch näbeme Stand?

Wär kennt en nit, dr «Märtbrichtischt»,
Wo gaischtrych Grutt und Riebli mischt!

- 4 Wär hett drei Dag lang gläbt im Gligg
Als Wade-Bim-Bim-Harems-Stigg?
Dunggt's Si drum au, 's Kasärne-Feschte
Lig dr Frau Meria am beschte?
('s Volgg kehrt 's läär Portmonee denn still
Und dänggt: Wär isch dr Oggs vom Grill?!)
- 5 Wär hett us syne Deepe gsoge
Die zwanzigdausig bleede Froge?
Was isch das fir e Bysiater,
Was fir e halbschlau Frog-Theater?
- 5a Macht 's Wätter aim schizophrenil?
Im Summer isch Winter, im Jänner April!
Wünscht ebber sich Aerdbebe-Wätter?
Vilicht nähmt's d'Pfalz mitsamt em Etter!
- 6 Fir die, wo uff dr Schluss dien warte,
Wänn mir die letschti Frog jetz starte:
Versusne est postremus?
Subjectum non habemus!
- 6a Uff dytsch: Isch das dr letschti Värs?
E Sujet finde-n-isch ebbis Schwärs!
Was solle mir au lang studiere,
Dr Giggel duet is doch regiere.

Gäll Bebbi, do isch gwis kai Gfohr,
Dass im zwaidausigschte Mählsuppe-Johr
D'Usstellig am Zyschtig Du kennstisch verbasse
Vo alle Latärne, und giengtisch go jasse!
Und sälig laufsch mit andre Sinder
Dur d'Basler Halle, samt Kegel und Kinder.

Latärne - Värs :

*Do wohnt e Floh,
da het 6 Bainer
und dämm sy Itirni
isch no glainer.*